



UNIVERSITÄTS-
BIBLIOTHEK
PADERBORN

**ECCLESIASTICAE || DISCIPLINÆ || LIBRI SEX: || DE
CANONICA ET MO- || nastica Disciplina collapsa
restau- || randa, pristinoque nitori || restituenda. ||**

Schulting, Cornelius

Coloniae Agrippinae, 1599

VD16 ZV 14233

10. De vera Politia Ecclesiastica, quæ de cœlo descendit.

[urn:nbn:de:hbz:466:1-63372](https://nbn-resolving.org/urn:nbn:de:hbz:466:1-63372)

De vera Politia Ecclesiastica qua de cælo descendit.

Christus venit in terram vt institueret nouam politiam cælestem, de qua B. Ioannes in Apocalypsi. Vidi sanctam ciuitatem Hierusalem nouam de cælo descendentem, à Deo paratam sicuti sponsam ornatam viro suo, non est autem ciuitas sine Legibus & Disciplina bene instituta, de qua ipse Dominus: Super hanc petram ædificabo Ecclesiam, hanc nouam videlicet ciuitatem, cuius clauis dedit Petro, vt quicquid ligaret super terram, esset ligatum & in cælis, & quodcunque solueret, esset solutum & in cælis, & potestate hæc leges & Disciplinam condendi sunt vsi Apostoli. aiunt enim Act. 15. visum est spiritui sancto & nobis nihil vltro inponere vobis oneris quam hæc necessaria, vt abstinere ab immolatis simulachrorum &c. & Paulus Act. 19. ca. confirmans Ecclesias præcipiebat custodire præcepta Apostolorum & seniorum. Ipsi administratores legum Romanarum seu Imperatoriarum subiecerunt ipsas Canonibus seu legibus Pontificijs. Si igitur Pontificiæ leges & Disciplina non habent auctoritatem, nec etiam habebunt leges Imperatoriæ, quæ sese illis subiecerunt: ideo quia ciuiles leges quæ diuino iure habent auctoritatem, & cedunt Pontificijs, si Pontificiæ leges abrogentur etiam ciuiles amittent auctoritatem. Magnæ angustia vobis nascentur ex eo, quod in Christo & eius Vicario nolint

*Tapper to. 2.
artic. 20. fo.
219. 221.*

Intit. de noui operis re-nunciatione leges non dedignantur sacros canones imitari.

nolint agnoscere potestatem legislatiuam *δυναμὶς νομοθετικῆν* quam ostendimus necessariò sequi potestatem magnæ multitudinis gubernatiuam. Est autem omnium Christianorum vna Respubl. vna ciuitas vt dicit B. Augustinus, licet per se absurdum sit dominum domus non posse familiæ suæ præscribere leges & disciplinam, secundum quas viuat in domo sua. Moyses enim, inquit Apostolus Hebræorum 3. c. fidelis erat in tota domo eius tanquam famulus in testimonium eorum quæ dicenda erant. Christus verò tanquam filius in domo sua, quæ domus sumus nos, qui eandem potestatem peregrè profecturus in eam trãstulit, quæ nomine suo eidem familiæ præfecit, quem tamen voluit omnium domesticorum esse ministrum, vt quæreret & procuraret non sua commoda sed eorum duntaxat salutem. Qui voluerit inter vos primus & maior fieri, erit vester minister & seruus Matthæi 20. Et B. Hieronymus aduersus Iouinianum lib. 1. propterea inter 12. inquit, vnus à Christo eligitur vt capite constituto schismatis tollatur occasio hac potestate vsus Apostolus est multa apud Coriinthios disponendo. Cætera, inquit, cum venero disponam. Sic Imperatores religiosè fecerunt agnoscendo in regulandis nuptijs primariam apud Prælatos Ecclesiæ auctoritatem, qui in sua gubernatione altiorem scopum spectant, quam potestas secularis. Probabiliter admodum collegerit quis ex eo, quod legum Romanarum administratores eas Pontificijs canonibus subiecerunt, hoc iudicium deferendo, quod in nuptijs Canones isti sunt obseruandi ex auctoritate saltem legum & Imperatorum, qui eos

Ddd 2

appro-

approbando suos fecerunt. Hinc etiam iam colligitur, quam iniuste Calvinistæ Catholicos accusent, quod etiam ex Iure Canonico & non tantum ex scripturis hauriant Disciplinam.

CAPVT XI.

De vera origine, antiquitate primis fontibus Disciplina Ecclesiastica altissimè repetitis, contra fundamenta Caluinistarum Puritanorum, qui ex solis & nudis scripturis eam esse hauriendam opinantur.

Remundus Rufus in Defensione Cleri contra Carolum Molinæum fol. 665. Olim erant vniuersi tres Codices, quibus Ecclesiastica Politia regebatur: sacrosancta Biblia veteris & noui testamenti, constans. Codex Canonum Conciliorum & Decreta Pontificum: his utebantur, vt inclinata Disciplina vel in toto orbe Christiano, vel quibusdam prouincijs remedium quæreretur, & diuersæ responsiones Pontificum dabantur pro exigente necessitate Disciplina Ecclesiastica. Gratianus vniuersi status Ecclesiastici & Disciplina Ecclesiastica lectissimos flores contulit in suum librum Decretorum omnia quæstionibus & causis distinguens anno MCXX. Trithemio teste. Idem Remundus Rufus fol. 28. Syricius Papa circiter annum Domini DIX. Formulam Ecclesiasticæ vitæ pariter & Disciplina ad prouincias amisit, mox fol. 282. Summus Pontifex vbiq; terrarum fert leges, & eas quidem leges, quæ dicuntur sanctiones
aus